

**শিক্ষকের কাছে  
বই-এর চেয়ে  
টিভি প্রিয়**

(স্টাফ রিপোর্টার)  
প্রাথমিক বিদ্যালয়ের ছেলে মেয়েদের বইয়ের থেকে টেলিভিশনের প্রতি আসক্তি বেশি। ছেলে-মেয়েদের মধ্যে যারা টেলিভিশন দেখে তাদের মধ্যে শতকরা ২৭ দশমিক ৬০ জন ৬৮ ঘণ্টা, শতকরা ২৭ দশমিক ৫০ জন এক থেকে দুই ঘণ্টা, শতকরা ১৬ (শেষ পৃঃ ৪-এর কঃ দঃ)

**টিভি প্রিয়**

(প্রথম পৃঃ পর)  
দশমিক ৪৯ জন দুই ঘণ্টার উর্ধ্ব এবং মধ্যে মধ্যে ভাল অনুষ্ঠান হলে শতকরা ৩৬ দশমিক ৪৯ জন টেলিভিশন দেখে।  
সম্প্রতি জাতীয় গল্প কেন্দ্র পরিচালিত একটি সমীক্ষা থেকে এই তথ্য জানা গেছে। জাতীয় গল্প কেন্দ্র গত বছর সেপ্টেম্বরে প্রাথমিক বিদ্যালয়ের ছাত্র-ছাত্রীদের পাঠ্যভাষ্যের ওপর একটি নমুনা জরিপ চালিয়ে। দ্বিতীয় শ্রেণী থেকে পঞ্চম শ্রেণীতে অধ্যয়নরত মোট ৭২৮ জন ছাত্র-ছাত্রীর ওপর সমীক্ষা চালিয়ে জানা যায়, শতকরা ৫০ দশমিক ৫৮ জন ছাত্র-ছাত্রীই পাঠ্যবইয়ের বাইরে আর কোন বই পড়েন। যারা পড়েছে তারাও খুব অনিয়মিত পড়েন। এই ক্ষুদ্র পড়ুয়াদের মধ্যে শতকরা ৩০ দশমিক ১৭ জনকে বই কিনে দিয়েছে তাদের বাবা-মা। আর পাঠাগার থেকে বই পেয়েছে মাত্র শতকরা ১৫ দশমিক ০৮ জন। উল্লেখ্য, ৮০টি গল্প সহৃদ সমিতির সহযোগিতায় সারা দেশে প্রাথমিক বিদ্যালয়ের ছাত্র-ছাত্রীদের পাঠ প্রবণতার ওপর সীমিত আকারের এই নমুনা জরিপ চালানো হয়।

এতে দেখা গেছে, ক্ষুদ্র পড়ুয়ারা পাঠাগার থেকে বই পায় না। বাবা-মা বই পড়তে নিষেধ না করলেও অধিকাংশ ক্ষেত্রে তারা ছেলে-মেয়েদের বই সংগ্রহ করে দেন না। বই কিনে দেন খুবই কম। তারা শিক্ষিত হলেও বাড়িতে নিজেরা তেমন বই-পত্র পড়েন না। তাদের ছেলে-মেয়েদের শতকরা প্রায় ১২ জন বন্ধুদের কাছ থেকে বই সংগ্রহ করে এনে পড়ে।

আরও জানা গেছে, ক্ষুদ্র পাঠকরা গৃহে কিছু পড়ার জিনিস থাকলে পড়ে। এদের শতকরা ৪৬

দশমিক ৩৩ জনের গৃহে খবরের কাগজ রাখা হয়। আর শতকরা ৩০ দশমিক ০৮ জন খবরের কাগজ পড়ে। ছাত্র-ছাত্রীদের শতকরা মাত্র ২৫ দশমিক ১৪ জনের সংগৃহ অনুর্ধ্ব পঁচটি বই রয়েছে। এর বেশি বইয়ের সংগ্রহ রয়েছে মাত্র কয়েকজনের। অর্ধাং বই পড়ার আগ্রহী করে তোলার মত নিজস্ব সংগ্রহ এসব পরিবারে নেই। শতকরা ১১ দশমিক ৪৫ জন বই উপহার হিসাবে পেয়েছে।

ছাত্র-ছাত্রীদের মধ্যে গল্প শোনার আগ্রহ প্রবল। শতকরা ৭১ দশমিক ৭০ জন বাবা-মা ও নিকট আত্মীয়ের কাছ থেকে মুখে মুখে গল্প শুনতে থাকে। এরা গল্প পড়তেও প্রচুর আনন্দ পায়। তবে টেলিভিশন দেখার ব্যাপারে এদের আগ্রহ বেশ লক্ষণীয়। শতকরা ৬৬ দশমিক ৬২ জন ক্ষুদ্র টিভি দর্শকের বেশির ভাগই নিয়মিত দর্শক। এদের শতকরা ৩৪ দশমিক ২০ জনের গৃহে কেউ সাহিত্যের বই পড়েন না।